

# Rau To Paulus Imbooda Ila To Yes Tesalonika Muuŋ

## 1 Tesalonaika

---

**1** <sup>1</sup>You Paulus. Yeru Silas ve Timoti nimbood rau tonene ilat to lupuuŋ to Krisi to aneep izi ndug Tesalonika. Yam tamtoghon to aneep tuŋja ila to Tamaan Maaron ve Tiina toitu Yesu Krisi.<sup>a</sup>

Maaron ighur poia toni iza tiam, ve iŋgin gham aneep pooi toman lolomim luuma. Onoon.

### Yes Tesalonika tipatoonŋ ghurla todi ivot ighazoonŋ

<sup>2-3</sup>Sawa isob, yei nipapait Tamaan Maaron pa yam asob toman lolomai poia kat, ve nighurghur gham ila suŋuuŋ tiei, ve matamai iŋgalŋgal ŋgar popoia to yam aghamgham di. Pasa, yam aghur ila to Krisi ariana, tauto ipamundigin gham pa ghamuuŋ uraat popoia naol. Ve lolomim pa tamtoghon ve aghaze agham poian di, tauto aghamgham uraat tiina pa ulaaŋ di. Ve yam awatag aghaze Tiina toitu Yesu Krisi pale imuul inim ve igham mulin gham. Tauto ayoon ariana pa badoonŋ pataŋani, ve aghurghur matamim pa mulaaŋ toni.<sup>b</sup>

<sup>4</sup>Yam toŋvetaz, yei niwatag: Maaron lolo payam kat, ve isia gham anim le wa.<sup>c</sup>

<sup>5</sup>Pasa, sawa to ninim ve nivotia varu poia payam, nene saveeŋ moghon to ilat ne maau. Sawa tonenen, Maaron ipatoonŋ tau tapiri payam, ve Avuvu Patabuaŋ igham uraat ila lolomim. Ve aghilaal aghaze saveeŋ to nisavia payam, nene yei nighur ila kat. Ve yam taumim awatag: Sawa to nineep toman gham, yei nipatoonŋ ŋgar to Krisi payam, lesu niuul gham pa ataghoni.<sup>d</sup>

<sup>6</sup>Onoon, sawa to yam aloonŋ saveeŋ tiei ve aghur ila, tamtoghon tigham pataŋani tiina payam. Eemoghon Avuvu Patabuaŋ igham gham lolomim

---

**a** 1:1 Mbaŋ 17:1-13    **b** 1:2-3 1Kor 13:13; Kol 1:4+; 1Tes 4:14+    **c** 1:4 2Tes 2:13  
**d** 1:5 Ro 1:16+; 1Kor 2:4+, 4:20

poia le poia kat. Ve yam ataghon katin n̄gar tiei, ve n̄gar to Tiina toit Krisi paam.

<sup>7</sup>Tovenen yam anim patoŋaŋ poia eez pa tamtoghon tisob to Masedonia ve Akaia to tighur ila to Krisi.<sup>e</sup>

<sup>8</sup>Yam anim belo to tiyati ve avolutu irau ndug. Pasa, yam agham saveeŋ to Tiina toit, ve asakia ila irau taan suruvu to Masedonia ve Akaia. Ve tonene moghon maau. Ghurla tiam to iŋarua Maaron, nene varu ilaan irau ndug tisob. Tovenen lemai saveeŋ eta pa nisavia padi muul maau. Pasa, varumim to tilooŋa wa.<sup>f</sup>

<sup>9</sup>Tovenen ival tiina tisasavia varumim tighaze sawa to nilat ve nineep toman gham, yam alooŋ saveeŋ tiei, ve apul murimim pa maaron kaaromŋa, leso ambees pa Maaron tau. Ye Maaron to ineep mata iyaryaar irau sawa isob.<sup>g</sup>

<sup>10</sup>Ve tisavia gham tighaze yam asasaŋan Maaron Natu to ye ipamundigini pa mateeŋ. Ye pale ipul sambam ve izi inim pa igham mulin ghiit pa mbalmbali to Maaron to muri pale ivot.<sup>h</sup>

### Paulus mata iŋgal uraat to ye ighami izi Tesalonika

**2** <sup>1</sup>Yam toŋvetaz, yam awatag: Sawa to nilat itiŋa taneep, nirab taumai sorok pa uraat maau. Uraat tiei ighur anoŋa.<sup>i</sup>

<sup>2</sup>Yam avaat matamim iŋgal. Sawa to nigham uraat izi ndug Pilipai, tighur yabyabuun tiina payei ve tipamayaŋin ghei kat. Ve sawa to nilat ve nigham uraat izi ndug tiam, tamtoghon katindi tizoor saveeŋ tiei, ve tigham pataŋani tiina payei muul. Eemoghon Maaron ipalot ghei, tauto nimatughez maau, ve niyoon ariana pa votiaŋ varu poia payam.<sup>j</sup>

<sup>3</sup>Uraat tiei to palotiin tamtoghon leso tighur ila to Krisi, nene n̄gar yonŋaŋ eta ineep ila lolo maau. Yei nipaghau tamtoghon pa ataam to Maaron maau, ve nigham kaarom eta maau. Yei nisasavia saveeŋ onoon moghon, ve nisavsav toman lolomai.<sup>k</sup>

<sup>4</sup>Maaron ighita ghei ighaze yei nirau uraat. Tauto inumeer ghei, ve ighur uraat to votiaŋ varu poia inim nimamai. Ye iŋgagabiiz ghei ve ighita n̄gar isob to ineep ila lolomai. Tovenen sawa to nivotia varu poia pa tamtoghon, ighaze lolodi poia pa uraat tiei, ma lolodi poia pani maau, nene nigham n̄gar pa mbeb tovene maau. Yei nighaze Maaron ighita uraat tiei ve lolo poia pani.<sup>l</sup>

<sup>5</sup>Ve yam awatag: Sawa to itiŋa tanepneep, yei nigham saveeŋ n̄goreeŋ payam pa nigham lolomim maau. Ve niparim taumai pa uraat leso agham lemai mbep ne maau. Ila Maaron mata, saveeŋ tiou tonene, nene onoon.<sup>m</sup>

---

e 1:7 1Tes 4:10 f 1:8 Ro 1:8 g 1:9 Mbaŋ 14:15 h 1:10 Ro 5:9; Pil 3:20; 1Tes 5:9; Tit 2:13 i 2:1 1Tes 1:5,9 j 2:2 Mbaŋ 16:19+, 17:1-10 k 2:3 2Kor 2:17, 4:2 l 2:4 1Kor 4:1+; Ga 1:10; Tit 1:3 m 2:5 Mbaŋ 20:33; 2Kor 2:17

<sup>6</sup>Ve yei nigham uraat tonene, leso yam, ma tamtoghon pida apait izamai ne maau.<sup>n</sup>

<sup>7</sup>Onoon, yei mbanjoonja to Krisi. Tovenen yei irau niyaryaan payam pa ataghon ngar tiei ve agham ulaan pida payei. Eemoghon nigham tovene maau. Sawa to nineep ila lolomim, yei ninjin gham pooi inimale liva igham payamyam pa tau ndinatu. <sup>8</sup>Pasa, lolomai payam kat. Tauto nighaze nivotia varu poia to Maaron payam. Ve tonene moghon maau. Ye nighaze nirei taumai pa ulaan gham paam. Pasa, lolomai ineeep tiam kat.<sup>o</sup>

<sup>9</sup>Yam tonvetaz, yam avaat matamim ingal. Sawa to itiija tanepneep ve nivotia varu poia payam, mboj ve ndag, nirab taumai pa uraat. Leso nigham yaam ris pa iuul ghei pa nepoonj tiei. Pasa, lolomai pa nigham patajanani payam maau.<sup>p</sup>

<sup>10</sup>Tovenen ngar to nigham payam, taumim aghita ve irau asavia. Ve Maaron ighita paam. Yam tamtoghon to aghur ila to Krisi, nigham sosor eta payam maau. Ye nigham ngar patabuan moghon to denja ila Maaron mata, ve denja ila tamtoghon matadi paam. <sup>11</sup>Yam awatag: Ye nigham ngar payam inimale ngar to nditamaan tighamgham pait. <sup>12</sup>Pasa, ye nivalot gham, leso ayoon tunja. Ve sawa to patajanani igham gham, ye nirab atemim. Ve avomai iyaryaan payam nighaze: Maaron igham poian gham, ve ipoi gham pa aneeep ila pooz toni lolo. Leso muri aneeep ila nguruba lolo izi ndug sambam. Tovenen yam irau ataghon ngar to Maaron lolo pani, ghoru laghoonj tiam denja pa poia toni tiina to iza tiam.<sup>q</sup>

### Yes Tesalonika tiyoon ariana pa badoonj patajanani

<sup>13</sup>Pughu ite to nipait Maaron toman lolomai poia, nene vene: Sawa to nivotia Maaron alija payam, yam aghita saveenj tiei inimale saveenj sorok to tamtoghon ne maau. Yam aghur taliinamim pani pooi, ve aghilaala aghaze nene Maaron tau alija. Tauto aghur ila. Ve aazne, saveenj tonenen ighamgham uraat tiina ila yam to aghur ila ne lolomim.<sup>r</sup>

<sup>14</sup>Yam tonvetaz, ngar to ivot payam, nene raraate inimale ngar to ivot pa yes to titaghon Yesu Krisi ve tineep ila lupuu to Maaron izi Yudea. Pasa, ndiran to yamja ndug ee moghon, yes tighurghur patajanani payam, inimale yes Yuda tighamgham pa lupuu to Krisi to tineep izi ndug todi.<sup>s</sup>

<sup>15</sup>Aghita. Muun, yes Yuda tirab propeta pida timatmaat, ve tirab Tiina toit Yesu imaat paam. Ve yei paam, tighur patajanani payei, ve tizurun

---

**n 2:6** Yo 5:41,44; 2Kor 4:5    **o 2:8** 2Kor 12:15; Pil 2:17    **p 2:9** Mbanj 18:3+, 20:34; 1Kor 4:12; 2Tes 3:8    **q 2:12** Ep 4:1; Pil 1:27; Kol 1:10    **r 2:13** Ga 1:11+; 1Tes 1:5  
**s 2:14** Mbanj 17:5+; Hib 10:33+

ghei nighau pa ndug todi. Yes tighur koi pa tamtoghon tisob. Tovenen ngar to tighamghami, nene irau Maaron lolo maau.<sup>f</sup>

<sup>16</sup>Ve mbeb ite. Yei nighaze nivotia Maaron aliņa pa yes to Yuda maau ne, leso Maaron igham mulin di. Eemoghon yes Yuda lolodi pa ngar tonene maau. Tauto titovtoova pa tipoon ataam payei. Ng̃gar samsamia naol to tighamgham di, nene tindoundou di le tizala kat. Tauto mbalmbali to Maaron iza todi wa.<sup>u</sup>

### Paulus ighaze ighita yes Tesalonika muul

<sup>17-18</sup>Yam tonvetaz, yam awatag: Yes Yuda tireu ghiit, tauto rikia moghon yei nipul gham, ve soso ris tonene, taneep sagan sagan pa tauud. Eemoghon lolomai, nene ineeep tiam, inimale tamtoghon to natu ineeep sagan pani ve ikausim pani ighaze le ighita. Tovenen ngar tiei iyaryaang nighaze nilat nighita naghomim muul, ghoru poia. Sawa naol, you Paulus natovtoova naghaze nalat naghita gham. Eemoghon Ng̃geu Samia iponpoon ataam payei.<sup>v</sup>

<sup>19</sup>Aghita. Sawa to Tiina toit Yesu Kresi imuul inim, yei pale nighur matamai pa sa mbeb? Ve sa to pale nipakur ghei pani, ve igham ghei tinimai iza ila ye mata? Ve sa to pale inim pughu pa igham lemai atia poia? Nene yam! Pasa, uraat tiei anoņa, nene yam tou!<sup>w</sup>

<sup>20</sup>Onoon kat. Yam to agham ghei nipakur ghei, ve tinimai iza kat.

### Paulus ipaes pa pughu to ye imbaang Timoti ila ingig yes Tesalonika

**3** <sup>1-2</sup>Sawa to ninepneep izi ndug Atens, yei nigham ngar naol payam nighaze: Yam aneeep pooi, ma maau? Nineep le maau, tauto nimbaang tonvetaz toit Timoti ilat tiam. Ve yei pida nineep to sualen. Yeiņa Timoti niluplup ghei pa uraat to Maaron ve nivovotia Kresi varu. Tauto nimbaang ilat tiam, leso ipalot ghurla tiam, ve ayoon ariang.<sup>x</sup>

<sup>3</sup>Pasa, nimatughez naghaze pataņani to ighamgham gham ne, pale igham tamtoghon tiam pida titap ve tipul ghurla todi. Eemoghon yam awatag: Iit to tataghon ataam to Maaron, pale tambaad pataņani tovene.<sup>y</sup>

<sup>4</sup>Pasa, sawa to itiņa tanepneep, yei nisavsaav payam nighaze: “Apatum gham. Pasa, tamtoghon pale tighur pataņani pait.” Saveeņ tiei tonenen ighur anoņa ve aghita wa.

<sup>5</sup>Tovenen sawa to naneep izi Atens, you naghām ngar naol payam. Naneep le maau, tauto nambaang Timoti ilat. Leso inggabiiz ghurla tiam: Iyaryaang, ma maau? Pasa, namatughez kat. Pa vene, Ng̃geu To Tovaang<sup>z</sup> itoov gham ve atap, ghoru uraat tiei ighur anoņa maau.<sup>a</sup>

---

t 2:15 Mt 23:34+; Mbaņ 2:23 u 2:16 Mbaņ 13:45,50, 17:5 v 2:17-18 Ro 1:13, 15:22  
w 2:19 Pil 2:16, 4:1 x 3:1-2 Mbaņ 17:15 y 3:3 Yo 16:33; Mbaņ 14:22; 2Tim 3:12  
z 3:5 Ng̃geu To Tovaang, nene Sadan iza ite. a 3:5 Pil 2:16

### Paulus iloŋ yes Tesalonika varudi le lolo poia kat

<sup>6</sup>Tauto Timoti ilat iŋgig gham. Ve ŋgaramus, ye inim ivot tiei muul, ve ipaesia varumim poia payei ighaze yam akis ghurla tiam tunja, ve lolomim pa Maaron ve tamtoghon paam. Ve isaav payei ighaze yam lolomim poia pa sawa to nilat nineep toman gham ve itinja taluplup ghiit. Tauto akausim payei irau sawa isob aghaze le aghita ghei muul, raraate inimale yei paam lolomai nighaze le nighita gham.<sup>b</sup>

<sup>7-8</sup>Tovenen yam toŋvetaz, onoon, aazne pataŋani tiina igham ghei, le nikaal ataam kat. Eemoghon sawa to niloŋ varumim tighaze yam ayoon tunja ve aghur ila to Tiina toit ariana, nene ipalot ghei, ve igham ghei lolomai poia kat.

<sup>9</sup>Tovenen sawa isob to nisuj ila Maaron toit mata ve matamai iŋgal gham, lolomai poia kat ve nipaiti pa poia toni. Eemoghon nikankaan: Pale nisavia sa saveeŋ, lesu ipatoŋ lolomai poia tonene? Pasa, saveeŋ eta iraua maau. <sup>10</sup>Mboŋ ve ndag, yei nisunŋunŋ Maaron ariana nighaze ye igham ataam eta ivot, lesu nilat nighita gham muul ve nipalot ghurla tiam. Ve ighaze yam ambool pa ŋgar pida, ghoron nipatoot gham pani.<sup>c</sup>

### Paulus ighason Maaron pa ipalot yes Tesalonika

<sup>11</sup>Tovenen you nasuj Tamaan Maaron yesuru Tiina toit Yesu naghaze tigham ataam eta ivot payei, lesu nilat tiam. <sup>12</sup>Ve naghaze Tiina toit ipalot gham, lesu lolomim pa taumim ve lolomim pa tamtoghon tisob. Naghaze ŋgar tonene ivot inim tiina le raraate inimale yei lolomai payam.<sup>d</sup>

<sup>13</sup>Lesu ŋgar patabuaŋ to Maaron ineep ariana ila lolomim. Ve sawa to Tiina toit Yesu imuul inim toman tamtoghon toni patabuaŋa tisob, ve yam ayoon ila Tamaan Maaron mata pa iŋgabiiz gham, ye pale ighita gham ighaze yam lemim sosor eta maau.<sup>e</sup>

### Taghur maat malep

**4** <sup>1</sup>Yam toŋvetaz, you naghaze nasavia saveeŋ tonene, ve isob. ŋgar to Maaron lolo pani, yei nipatoot gham pani ve awatagi wa. Tauto laghoŋ tiam, yam irau ataghon ŋgar tonenen. Ve aazne, nighaze nipalot gham pani muul ila Tiina toit Yesu iza, lesu ataghoni le ataghoni kat.<sup>f</sup>

<sup>2</sup>Tutuun to nisavia di payam ila Tiina toit Yesu iza, yam awatag di wa.

<sup>3</sup>Maaron ighaze yam ataghon ŋgar patabuaŋ animale ye tau. Tovenen ŋgar to ghuruun maat, yam aneep saganu pani.<sup>g</sup>

---

**b** 3:6 Mbaŋ 18:5    **c** 3:10 Ro 1:10+    **d** 3:12 1Pe 1:22    **e** 3:13 1Kor 1:8+; 1Tes 5:23  
**f** 4:1 Kol 1:10    **g** 4:3 1Kor 6:18; 2Kor 7:1; Ep 5:3

<sup>4</sup>Yam tamtoghon eñaena, irau matamim iŋgal taumim ndizwamim ve aneep toman di. Leso ataghon ŋgar patabuanj to poia ila Maaron mata, ve poia ila tamtoghon matadi paam.<sup>h</sup>

<sup>5</sup>Yes to tiwatag Maaron maau, matadi samsamia, ve moghon moghon ŋgar to ulidi ipapazaagh di. Yam ataghon di pa ŋgar todi tonowen malep.<sup>i</sup>

<sup>6</sup>Aghita. Ighaze aghur maat pa toŋvetaz tiam ndizwadi, yam agham sosor pa toŋvetaz tiam tonanan, ve agham kaarom padi. Tamtoghon tisob to ighaze tigham sosor tovene, Tiina toit pale ighur atia padi. Saveeja, yei nisavia payam ve aloonja wa. Pasa muuŋ, nisaav ariana payam pa ŋgar tonene.<sup>j</sup>

<sup>7</sup>Maaron ipoi ghiit tanim le pa tagham ŋgar samia maau. Ye ighaze tataghon ŋgar ŋgalaana ve ŋgar patabuanj tanimale ye tau.<sup>k</sup>

<sup>8</sup>Tovenen ighaze ŋgeu eta izoor saveeŋ tonene, ye izoor saveeŋ to tamtoghon maau. Ye izoor Maaron to igham Avuvu Patabuanj payam ne aliŋa.<sup>l</sup>

### Lolood pa tamtoghon

<sup>9-10</sup>Ŋgar to lolood pa toŋvetaz to Kriŋi, lemai saveeŋ eta pa nimbooda payam ne maau. Pasa, Maaron tau ipaghazoŋan gham pa ŋgar tonene ve aghazoŋan pani wa. Tauto lolomim pa toŋvetaz tisob to Kriŋi to tineep irau taan suruvu to Masedonia. Eemoghon nighaze nipalot gham pani muul, lesu ŋgar tonene ivot inim tiina kat ila lolomim.<sup>m</sup>

### Taneep ila tamtoghon pida nimadi malep. Tauud tagham uraat

<sup>11-12</sup>Yam azuaria gham pa taghoniŋ ŋgar luuma ve ŋgar to orood maate, ve matamim iŋgal uraat tiam. Yam aneep ila tamtoghon eta nima malep, ve alaagh soroksorok malep. Nimamim iyaryaŋ pa uraat, itaghon tutuuŋ to muuŋ nisavia payam. Leso ambool pa mbeb eta sob, ve ŋgar tiam denja ila yes to tighur ila maau ne matadi.<sup>n</sup>

### Mulaŋ to Tiina toit ve mundigiŋ to yes mateeja

<sup>13</sup>Yam toŋvetaz, yes to tighur ila to Kriŋi ve timaat, yei nighaze yam awatag mbeb to pale ivot padi. Leso lolomim ipataŋan kat pa mateeja tiam inimale yes to tighur ila maau ne sob. Yes tighur matadi pa mundigiŋ to yes mateeja maau. Tauto ighaze todi eta imaat, nene igham di lolodi ipataŋan kat.<sup>o</sup>

---

**h 4:4** Ataam ite to tatoon saveeŋ waaro tonene nene vene: “Yam tamtoghon eñaena, irau anŋin poian taumim, ve ataghon Maaron ŋgar toni pa vaiuuŋ. Leso ataghon ŋgar patabuanj to poia ila Maaron mata, ve poia ila tamtoghon matadi paam.” **i 4:5** Ep 4:17+; Kol 3:5 **j 4:6** Igham 20:14; Hib 13:4 **k 4:7** 1Pe 1:15+ **l 4:8** Lu 10:16; 2Kor 1:22; Ep 4:30 **m 4:9-10** Yo 15:12; Ep 5:2; 1Yo 3:11+ **n 4:11-12** Ep 4:28; 2Tes 3:10+; 1Pe 2:12 **o 4:13** Ep 2:12

<sup>14</sup>Eemoghon iit taghur ila taghaze Yesu imaat ve imundig pa mateej wa. Tovenen yes to tighur ila toni ve timaat, Maaron pale ipamundigin di ila Yesu tapiri, ve iyou di, ve yesja Yesu tiza tila toni.<sup>p</sup>

<sup>15</sup>Alooj. Nene Tiina toit Yesu tau aliņa to nisavia payam: Sawa to ye imuul izi inim, iit to taneep mataad iyaryaar, irau tamuuj pa yes mateeja maau.<sup>q</sup>

<sup>16</sup>Pasa, sawa to Tiina toit Yesu imuul izi inim, Maaron pale isaav ariaja toman aliņa tiina, ve daba to yes aņela imboob, ve tavuur to Maaron itaņ. Ghoru yes to tinim Krisi le ve timaat, pale timundig muuj.<sup>r</sup>

<sup>17</sup>Ghoru tiyou iit to taneep mataad iyaryaar ne paam, toman yes to timundig pa mateej, ve rikia moghon tiit ghiit talooj tala yaghur tae lolo to sala we. Leso taghita Tiina toit, ve itija taneep itaghoni taghoni gha ila.<sup>s</sup>

<sup>18</sup>Tovenen matamim iņgal saveej tonene, ve awapalotin gham pani.

#### Tagharaat tauud ve tasanjan mulaņ to Tiina toit

**5** <sup>1</sup>Yam toņvetaz, sawa kat to Tiina toit imuul inim, nene irau nimbood saveeja eta payam maau. <sup>2</sup>Pasa, taumim awatag wa. Sawa to Tiina toit imuul inim, nene pale ikarmotin ghiit inimale yubyub to inim pa mboj.<sup>t</sup>

<sup>3</sup>Tamtoghon pale tigham ņgar tighaze: “Aa, aazne taneep poia kat. Mbeb eta irau iwaghamun ghiit maau.” Pale tisavsaav tovene, ve rikia moghon pataņani tiina ivot padi le iwaghamun di kat. Pale ikarmotin di inimale yabyabuuj to ighamgham ndiliva pa popaan. Ve irau tighau pani maau.

<sup>4</sup>Eemoghon yam toņvetaz, aazne aneep ila ndoroom lolo maau. Tovenen sawa tonenen irau ikarmotin gham inimale yubyub maau.

<sup>5</sup>Pasa, yam asob tamtoghon to ndag ve alaagh ila ghazooņa to Maaron. Iit tanimale yes to mboj to tineep ila ndoroom lolo ne maau.<sup>u</sup>

<sup>6</sup>Tovenen iit tagheen le lolood imaagh inimale tamtoghon pida malep. Tapamaat ve tanĝin tauud pooi.<sup>v</sup>

<sup>7</sup>Iit tawatag: Yes to tigheen, nene tigheen pa mboj. Ve yes to tighun le tisami, nene tighun pa mboj. <sup>8</sup>Eemoghon iit tamtoghon to ndag. Tovenen iit irau tanĝin tauud pooi. Ve taghur ila ariaja, ve lolood pa Maaron ve tamtoghon paam. Pasa, ņgar tovene, nene inimale mbeb ariaja to ipoon ateed pa ndaab. Ve taghur mataad pa sawa to Maaron igham mulin ghiit ve taneep pooi. Pasa, ņgar tovene, nene inimale guduunja ariaja to ipoon dabaad pa ndaab.<sup>w</sup>

---

**p 4:14** Yo 11:25; 1Kor 15:13+    **q 4:15** 1Kor 15:51+    **r 4:16** Mt 24:30+; 2Tes 1:7+  
**s 4:17** Yo 12:26, 14:2+    **t 5:2** Mt 24:43+, 25:13; 2Pe 3:10; Syg 3:3    **u 5:5** Ep 5:8+;  
 1Yo 1:7    **v 5:6** Mt 25:1-13; Ro 13:11+; Ep 5:14    **w 5:8** Ep 6:13+

<sup>9</sup>Aghita. Maaron ighur ghiit pa mbalmbali toni iza toit ne maau. Ye ighur ghiit pataghaan ighaze igham mulin ghiit ila uraat to Yesu Krisi, lesu taneep pooli.<sup>x</sup>

<sup>10</sup>Krisi igham inaad ve imaat pait, lesu igham ghiit tala taneep tomani. Tovenen sawa to mulaan toni, ighaze tamaat, ma taneep mataad iyaryaar, nene ye pale igham ghiit tala itinja taneep.<sup>y</sup>

<sup>11</sup>Tovenen yam asob awapalotin gham ve apariaan nditamim pa ngar to Krisi, inimale aazne yam aghamghami ne.<sup>z</sup>

### Tutuun pida

<sup>12</sup>Yam tonjvetaz, nginiinja tiam tighamgham uraat tiina ila yam lolomim, ve tipasalungan gham, lesu ataghon katin Tiina toit ngar toni. Tovenen yei nighason gham pa atandag padi, ve aneep ila sambadi. <sup>13</sup>Apakur di, ve lolomim padi kat. Pasa, yes tighamgham uraat tiina payam. Ve yam asob alup lolomim inim ee moghon, ve aneep toman ngar luuma.<sup>a</sup>

<sup>14</sup>Yam tonjvetaz, yei nighaze nipalot gham pa ngar pida. Yes to maatedi pa uraat ve tinepneep sorok, yam asaav ariana padi lesu tigham uraat. Ve yes to matadi matughezaan, ma lolodi ipatajan, yam apalot di. Ve yes to tapiridi maau ve tirau tigham uraat maau, yam auul di. Apatoon ngar luuma pa tamtoghon tisob. Ighaze tamtoghon eta igham samin gham, atatan atemim ve ambaada moghon.<sup>b</sup>

<sup>15</sup>Tovenen ighaze tamtoghon eta igham ngar samia payam, yam ayati malep. Sawa isob, atoova pa apatoon ngar poia pa taumim ve tamtoghon tisob.<sup>c</sup>

<sup>16</sup>Lolomim poia irau sawa isob.<sup>d</sup>

<sup>17</sup>Ve asun irau sawa isob. Apul sunuun malep.<sup>e</sup>

<sup>18</sup>Sa mbep to ighaze ivot payam, lolomim poia pa Maaron ve apaiti. Pasa, ye ighaze yam tamtoghon to anim Krisi le, agham tovene.<sup>f</sup>

<sup>19</sup>Arab matin yab to Avuvu Patabuan malep.<sup>g h</sup>

<sup>20</sup>Ve Maaron alija to propet toni tisavia payam, yam avelegi, ma aghita inimale saveen sorok malep. <sup>21</sup>Eemoghon yam irau angabiiz poian saveen ve ngar to naol ne. Ighaze popoiadi, ghoru akis di ve ataghon di.<sup>i</sup>

<sup>22</sup>Ve ngar samsamia to naol ne, yam aneep sagan padi.

### Paulus ipasob saveen toni

<sup>23</sup>Maaron toit, ye ngar luuma pughu ve ingin ghiit taneep pooli irau sawa isob. Ye tau pale igham gham ataghon ngar patabuan moghon. Ve

---

x 5:9 Ro 5:9; 1Tes 1:10; 2Tes 2:13+ y 5:10 Ro 14:8+; 2Kor 5:15; 1Tes 4:14

z 5:11 Hib 10:24+ a 5:13 1Tim 5:17; Hib 13:17 b 5:14 Ga 6:2+; Kol 3:12; 2Tes 3:11+

c 5:15 Mt 5:39+; Ro 12:17; 1Pe 3:9 d 5:16 Pil 4:4 e 5:17 Lu 18:1; Ro 12:12; Ep 6:18;

Kol 4:2 f 5:18 Ep 5:20; Kol 3:17 g 5:19 Saveen waaro tonene, ngara tovene: Ighaze

Avuvu Patabuan ipamundigin ghiit pa ghamuun ngar eta, nene taghami moghon. Tazoor

ngar toni malep. Ve ighaze ye igham uraat tiina ila nditaad pida lolodi, nene paam, tayou avood padi malep. h 5:19 Ep 4:30 i 5:21 1Kor 14:29; 1Yo 4:1



ingin anunumim, lolomim ve ngar tiam, toman anoŋamim, ve igham gham ataghon ngar poia moghon le irau mulaaŋ to Tiina toit Yesu Kresi. Leso lemim sosor eta ila mata sob.<sup>j</sup>

<sup>24</sup>Maaron to ipoi gham anim le, ye pale igham tovene. Pasa, ye avo onoon, ve itataghon saveeŋ mbuaaŋ toni.<sup>k</sup>

<sup>25</sup>Yam toŋvetaz, matamim iŋgal ghei, ve aghur ghei ila suŋuun tiam.<sup>l</sup>

<sup>26</sup>Akis toŋvetaz to Kresi tisob nimadi, ve agham di toman lolomim poia.<sup>m</sup>

<sup>27</sup>You nasaav ariaja payam ila Tiina toit iza: Awaat rau tonene pa toŋvetaz toit tisob to tighur ila to Kresi.

<sup>28</sup>Poia to Tiina toit Yesu Kresi iza tiam. Onoon.

---

**j 5:23** Ro 15:33; 1Kor 1:8+; 1Tes 3:13; 2Tes 3:16    **k 5:24** Pil 1:6; 2Tes 3:3  
**l 5:25** Ro 15:30; Kol 4:3; 2Tes 3:1    **m 5:26** Ro 16:16